

華東考古文獻

第九卷

中國華東文獻叢書

中國華東文獻叢書編輯委員會

中國華東文獻叢書·第七輯

華東考古文獻

第九卷

甘肅省古籍文獻整理編譯中心
中國華東文獻叢書編輯委員會 編

甘肅省古籍文獻整理編譯中心重大整理項目

中國華東文燭叢書編輯委員會
甘肅省古縣文燭整理編輯中心

華東文燭叢書

本輯主編：賀雲翱 樊桂敏

第廿卷

中國華東文燭叢書·第廿卷

本卷目錄

江寧金石記

〔清〕

嚴

觀輯

.....

〇〇三

本卷目錄

江寧金石記

〔清〕

嚴

觀輯

.....

〇〇三

【清】嚴觀輯

江寧金石記

〔清〕《江寧金石記八卷附待訪目二卷》，嚴觀輯。乾隆五十五年（公元一七九〇年）刊本（跋），宣統二年（公元一九一〇年）重刊本。黑口，雙魚尾，左右雙欄。半葉十二行，行二十一至二十四字不等。

嚴觀，字子進，號述齋，江寧人。幼承家學，其父嚴長明也爲知名學者。乾隆四十三年（公元一七七八年）爲錢大昕導遊江寧古蹟，乾隆五十五年（公元一七九〇年）在畢沅幕。曾補《元和郡縣志》九卷，協助姚鼐分纂《江寧府志》。因父親談及鄉邦文獻時，囑託他留意金石文字，以補志乘之闕。遂歷時三年，尋山訪友，遍拓金陵一府七縣碑刻並輯錄成書。

全書考證詳實，內容豐富，資料性强。卷前有錢大昕序文及章學誠跋文，卷後有跋文二篇。本書依時代爲次，收錄自漢迄元代各碑全文，附以考證。又將尋求而未得者編爲《江寧金石待訪目》二卷，作爲附錄。章學誠稱其『於古錄之存者，必證以今之所見；又於今之所見，補古錄之所無』，必擇可知者加以考訂，不轉抄文辭以求全備。嚴觀於金石文字用力甚勤，還撰有《江寧石刻記》一卷、《湖北金石詩》一卷，校輯孫星衍、邢澍所撰《寰宇訪碑錄》十二卷。

江

寧

金

石

記

八

卷

詩

訪

目

二

卷

宣統二年卯月既望
江楚編譯書局印

金陵石刻見於張敦頤六朝事迹王象之輿地碑目陳思寶刻叢編及無名氏寶刻類編者甚夥然存於今者不及什之一相傳明祖營治都城盡輦碑石爲街道之用竊意六朝三唐世次久遠磨滅殘毀理亦宜然宋元與明相去甚近而城內自宣聖廟以外絕無宋元之刻其爲洪武所毀無疑夫古人姓名著之金石將爲不朽之計而金石之壽亦似有數存乎其閒此永叔德甫諸公集古之勤大有造於古人也予集錄金石二十餘年每見近代收藏家著錄往往至唐而止予謂歐趙之視唐五代猶今之視宋元明也歐趙之錄近取諸唐五代今去歐趙七百余年尙守其例不變是責唐之司刑以讀鄼侯之律宋之司天以用一行之算也可乎哉故予於宋元時刻愛之特甚而與予同志者惟嚴侍讀道甫朱學士竹君李郡丞南澗三四人耳子

進爲侍讀之長子搆染家學深造自得其於金石刻殆廢寢忘食以求之尤以金陵桑梓之地舊刻之湮沒者旣不可攷乃訪其見在者拓而藏之始漢訖元以時代爲次錄其全文附以考證合一府七縣凡百數十種窮鄉僻巷古廟荒墳無不策蹇裹糴手自椎搗不特可備一方之掌故且使著我錄者可銷可毀可蝕可泐而文終不可亡善之善者也嘗怪漢唐碑刻西北多而東南少以爲石質有堅脆之別然而校官之碑巖山之刻始興安成吳平之墓碣高正臣顏真卿張從申寶泉之書近在金陵百里間歸然無恙使旁郡皆得子進其人者彙而錄之何渠不西北若哉

乾隆四十四年歲次己亥十月望日竹汀居士錢大昕書於鍾山書院

金石著錄倣於孔甲盤孟歷兩漢晉宋未有繼作梁孝元嘗撰碑集百卷未久卽已殘闕隋志僅著雜碑三十二卷碑文一十五卷則佚者殆過半矣然百卷義例今不可攷而由隋志分著之目觀之則雜碑似著碑刻名目碑文乃其存全文者卽後世著錄與載文二種所由始也乃歷陳隋三唐五季人無爲其學者至宋歐陽諸家出而學者矜爲創始之精不知古學失傳至是始復而後人踵事增華遂如青出于藍而勝于藍爾南宋微實之學於今習爲風氣金石著錄訪逸搜奇層見疊出蓋亦有前人之所未及者矣顧驚博者侈其名目鑒賞者炫其評隲錄成文而不見真本則訛舛難憑模拓本而未臨其地則存亡莫考是以撰集雖多鮮能完善而無弊也江甯嚴子進名宿道甫先生誥嗣紹其家學著書滿家乾隆庚戌同客弁山尙書於

武昌節府論文稱莫逆焉因出手著江甯金石記八卷示余則
十數年來身歷其境手摩其文訂以六書徵以史傳用備一方
掌故者也江甯卽古金陵夙稱名勝之地金石刻畫見於著錄
者多不勝收而府縣志乘存錄文辭亦復盈篇累卷然嚴子身
所涉歷存者十不二三手之所摩與板本流傳志乘文字訛者
十常五六然則考金石於著錄文辭又可盡信乎哉嚴子於古
錄之存者必證以今之所見又於今之所見補古錄之所無與
空求著目及轉鈔文辭者相去懸絕六書偏旁史傳事實擇其
可知者訂之而缺所不可知者不委曲以求備則事可徵信而
書無卮言可謂善用其心者矣夫江甯爲六朝都會梁孝元碑
集如存古刻當甲于他部矣顧宋元人之著錄久已不見梁集
而惟詳于當日之所見聞則雕板之書未行而金石著錄與金

石同有時湮沒也嚴子以其鄉居之習見近用耳目之精詳務
實而不務誇惟事而不惟文較前賢之用意有更進者急宜付
刻以廣其傳庶幾金石之壽兼資竹帛而不致爲蕭梁碑集之
淪失也歟

乾隆五十五年歲次庚戌臘月上澣會稽章學誠跋

